



29990

周禮

漢鄭康成注

唐陸德明音義

夏官司馬第四

惟王建國辨方正位。體國經野設官分職以爲民極。乃立夏官司馬使帥其屬而掌邦政以佐王平邦國。

政正也。政所以正不正者也。孝經說曰政者正也。正德名以行道。

政官之屬。大司馬卿一人。小司馬中大夫二人。軍司馬下大夫四人。輿司馬上士八人。行司馬中士十有六人。旅下士卅有二人。府六人。史十有六人。胥卅有二人。徒三百有廿人。

輿眾也。行謂軍行列。晉作六軍而有三行。取名於此。輿音餘戶戶剛反注同行行列也。

周禮

夏官

序官

一

凡制軍萬有二千五百人爲軍。王六軍。大國三軍。次國二軍。小國一軍。軍將皆命卿。二千有五百人爲師。師帥皆中大夫。五百人爲旅。旅帥皆下大夫。百人爲卒。卒長皆上士。卅有五人爲兩。兩司馬皆中士。五人爲伍。伍皆有長。

軍師旅卒兩伍皆眾名也。伍一比。兩一間。卒一族。旅一黨。師一州。軍一鄉。家所出一人將帥長司馬者其師吏也。言軍將皆命卿則凡軍帥不特置。選於六官。六鄉之吏。自卿以下德任者使兼官焉。鄭司農云。王六軍。大國三軍。次國二軍。小國一軍。故春秋傳有大國次國小國。又曰。成國不過半天子之軍。周爲六軍。諸侯之大者三軍可也。詩大雅常武曰赫赫明明。王命卿士。南仲大祖。大師皇父。整我六師。以修我戎。旣傲旣戒。惠此南國。大雅文王曰。周王于邁。六師及之。此周爲六軍之見于經也。春秋

諸侯之大者三軍可也。詩大雅常武曰赫赫明明。王命卿士。南仲大祖。大師皇父。整我六師。以修我戎。旣傲旣戒。惠此南國。大雅文王曰。周王于邁。六師及之。此周爲六軍之見于經也。春秋

傳曰王使虢公命曲沃伯以一軍爲晉侯此小國一軍之見于傳也百人爲卒二十五人爲兩故春秋傳曰廣有一卒卒偏之

兩軍將子匠凡軍將將帥之類故此册所類反下將帥之字皆同卒子忽反後皆同卒長丁丈反卷內不出者放此此亂志反天祖晉秦下大師及下文大僕同皇父音甫微本亦作微京領反覓賢遍

反下同廣光浪反

一軍則二府六史胥十人徒百人

司勳上士二人下士四人府二人史四人胥二人徒廿人

故書勳作勳鄭司農云勳讀爲勳勳功也此官主功賞故曰掌六鄉賞地之灋以等其功

勳音云反劉音訓

馬質中士二人府一人史二人賈四人徒八人

質平也王買馬平其大小之賈直

賈音嫁注及下同

量人下士二人府一人史四人徒八人

量猶度也謂以丈尺度地

量音亮或音良下同度符洛反下同

周禮

夏官

序官

二

小子下士二人史二人徒八人

小子王祭祀之小事

羊人下士二人史二人賈二人徒八人

司燿下士二人徒六人

故書燿爲燿杜子春云燿當爲燿書亦或爲燿燿爲私火元謂燿讀如子若觀火之觀今燕俗名湯熱爲觀則燿火謂熱火與

燿古喚反燿戔約反李文音灼觀古喚反下同與音餘

掌固上士三人下士八人府二人史四人徒四十人

固國所依阻者也國曰固野曰險易曰王公設險以守其國

司險中士二人下士四人史二人徒四十人

掌疆中士八人史四人胥十有六人徒百有六十八

疆界也

疆居良反注及後同

候人。上士十六人。下士十有二人。史六人。徒百有廿八人。  
候。候迎賓客之來者。

環人。下士十六人。史二人。徒十有二人。

環猶卻也。以勇力卻敵。環音關。反劉戶串。反卻起略。反下同。

挈壺氏。下士十六人。史二人。徒十有二人。

挈讀如絮髮之絮。壺盛水器也。世主挈壺水以爲漏。挈劉音結。反。一音結。又戶結反。

盛音成。

射人。下大夫二人。上士四人。下士八人。府二人。史四人。胥二人。徒

廿八人。

服不氏。下士二人。徒四人。

服不服。不服之獸者。

射鳥氏。下士二人。徒四人。

射食亦反。

周禮夏官

序官

三

羅氏。下士二人。徒八人。

能以羅罔搏鳥者。郊特牲曰。大羅氏。天子之掌鳥獸者。搏音博。一音付。本又音步。

音步。

掌畜。下士二人。史二人。胥二人。徒廿八人。

畜謂斂而養之。畜音許。六反。注。同劉許。又反。

司士。下大夫二人。中士十六人。下士十有二人。府二人。史四人。胥四

人。徒四十八人。

諸子。下大夫二人。中士四人。府二人。史二人。胥二人。徒卅八人。

諸子。主公卿大夫士之子者。或曰庶子。

司右。上士二人。下士四人。府四人。史四人。胥八人。徒八十八人。

右謂有勇力之士。充王車右。

虎賁氏。下大夫二人。中士十有二人。府二人。史八人。胥八十八人。虎

士八百人。

不言徒。曰虎士則虎士徒之選有勇力者。黃竟異下同。

旅賁氏中士二人下士十有六人史二人徒八人。

節服氏下士八人徒四人。

世為王節所衣服。為子僞反。

方相氏狂夫四人。

方相猶言放想。可畏怖之貌。放方丈反本。或作旗音同。

大僕下大夫二人小臣上士四人祭僕中士六人御僕下士十有

二人府二人史四人胥二人徒廿人。

僕侍御於尊者之名。大僕其長也。

隸僕下士二人府一人史二人胥四人徒四十人。

此吏而曰隸以其事褻。褻息列反。

周禮

夏官序官

四

弁師下士二人工四人史二人徒四人。

弁者古冠之夫稱。委貌。縮布曰冠。弁皮彥反。稱尺證反。

司甲下大夫二人中士八人府四人史八人胥八人徒八十人。

甲。今之鎧也。司甲兵戈盾官之長。鎧苦愛反。盾常允反。又音允。

司兵中士四人府二人史四人胥二人徒廿人。

司戈盾下士二人府一人史二人徒四人。

戈。今時句子戟。句古侯反。子音結。

司弓矢下大夫二人中士八人府四人史八人胥八人徒八十人。

司弓矢弓弩矢箛官之長。箛音服。

繕人上士二人下士四人府一人史二人胥二人徒廿人。

繕之言動也。善也。

臯人。中士四人府二人史四人胥二人徒卅人。

鄭司農云。橐讀爲芻橐之橐。箭幹謂之橐。此官主弓弩箭矢。故謂之橐人。橐古老反。幹如字。沈古旱反。

戎右。中大夫二人。上士二人。

右者參乘。此充戎路之右。田獵亦爲之右焉。  
乘繩證反。

齊右。下大夫二人。

充玉路金路之右。  
齊側皆反。齊僕并注同。

道右。上士二人。

充象路之右。

大馭。中大夫二人。

馭之最尊。馭音御。

戎僕。中大夫二人。

馭言僕者。此亦侍御於車。

周禮夏官

序官

五

齊僕。下大夫二人。

古者王將朝覲會同必齊。所以敬宗廟及神明。  
朝直搖反。後朝觀皆同。

道僕。上士十有二人。

王朝朝莫夕。主御王以與諸臣行先王之道。  
朝朝上如字。下直遙反。莫音暮。

田僕。上士十有二人。

馭夫。中士十人。下士四十人。

校人。中大夫二人。上士四人。下士十有六人。府四人。史八人。胥八人。徒八十八人。

校之爲言校也。主馬者。必仍校視之。校人。馬官之長。  
校音教。反。字從木。若從手。義作。

是比較之字耳。今人多亂之。注校之校人同。

趣馬。下士。卓一人。徒四人。

趣馬。趣養馬者也。鄭司農說以詩曰。駮維趣馬。  
趣七口反。劉清須反。注同。卓才早反。趣養。漢

反又七口反。音七何反。賦唐衛反。

巫馬下士二人。醫四人。府一人。史二人。賈二人。徒廿人。

巫馬知馬祖先。牧馬社馬步之神者。馬疾若有犯焉。則知之。是以使與醫同職。

牧師下士四人。胥四人。徒四十人。

主牧放馬而養之。牧舊音目。劉音茂。沈音木。

廋人下士兩二人。史二人。徒廿人。

廋之言數也。廋所求反。數色。主反。數之同。

圉師乘一人。徒二人。圉人良馬匹二人。駑馬麗一人。

養馬曰圉。四馬為乘。良善也。麗耦也。圉為呂反。乘繩證。反注同。麗如字。

職方氏中大夫四人。下大夫八人。中士十有六人。府四人。史十有六人。胥十有六人。徒百有六十八人。

周禮

夏官

序官

六

職主也。主四方之職貢者。職方氏主四方官之長。

土方氏上士五人。下士十人。府二人。史五人。胥五人。徒五十人。

土方氏主四方邦國之土地。

懷方氏中士八人。府四人。史四人。胥四人。徒四十人。

懷來也。主來四方之民及其物。

合方氏中士八人。府四人。史四人。胥四人。徒四十人。

合方氏主合同四方之事。

訓方氏中士四人。府四人。史四人。胥四人。徒四十人。

訓道也。主教道四方之民。道音導。下同。

形方氏中士四人。府四人。史四人。胥四人。徒四十人。

形方氏主制四方邦國之形體。

山師中士二人。下士四人。府二人。史四人。胥四人。徒四十人。

川師中士二人下士四人府二人史四人胥四人徒四十人  
邊師中士四人下士八人府四人史八人胥八人徒八十八人

邊地之廣平者  
遵音原

匡人中士四人史四人徒八人。

匡正也王正諸侯以灋則。

擯人中士四人史四人徒八人。

擯人主擯序王意以語天下  
擯他南反與揀同語魚據反

都司馬每都上士二人中士四人下士八人府二人史八人胥八人徒八十八人。

都王子弟所封及三公眾采地也司馬主其軍賦。

家司馬各使其臣以正于公司馬。

家卿大夫采地正猶聽也公司馬國司馬也卿大夫之采地王

周禮

夏官

序官

七

不特置司馬各自使其家臣為司馬主其地之軍賦往聽政於

王之司馬王之司馬其以王命來有事則曰國司馬。

大司馬之職掌建邦國之九灋以佐王平邦國。

平成也正也。

制畿封國以正邦國。

封謂立封於疆為界  
畿音祗

設儀辨位以等邦國。

儀謂諸侯及諸臣之儀辨別也別尊卑之位  
別彼列反下皆同

進賢興功以作邦國。

興猶舉也作起也起其勸善樂業之心使不惰廢  
樂如字又音洛一音五教反

建牧立監以維邦國。

牧州牧也監監一國謂君也維猶連結也  
監音古衛反



制軍詰禁以糾邦國。

詰猶窮治也。糾猶正也。

施貢分職以任邦國。

職謂職稅也。任猶事也。事以其力之所堪。

簡稽鄉民以用邦國。

簡謂比數之稽。猶計也。

均守平則以安邦國。

諸侯有土地者均之。尊者守大軍者守小。則灋也。

比小事大以和邦國。

比猶親使大國親小國。小國事大國相合和也。易比象曰先王

以建萬國親諸侯。

以九伐之灋正邦國。

周禮

夏官

大司馬

八

諸侯有違王命則出兵以征伐之。所以正之也。諸侯之于國如

樹木之有根本。是以言伐云。

馮弱犯寡則眚之。

馮猶乘陵也。言不字小而侵侮之。眚猶人背瘦也。王霸記曰四

面削其地。

賊賢害民則伐之。

春秋傳曰粗者曰侵。精者曰伐。又曰有鐘鼓曰伐。則伐者兵入

其竟。鳴鐘鼓以往。所以聲其罪。

暴內陵外則壇之。

內謂其國。外謂諸侯。壇讀如同壇之壇。王霸記曰置之空壇之

地。鄭司農云壇讀從憚之以威之。懼書亦或為壇。元謂置之空

壇以出其君更立其次賢者。

野荒民散則削之。

荒蕪也田不治民不附削其地明其不能有所

無言

負固不服則侵之。

負猶恃也固險可依以固者也不服不事大也侵之者共加其

竟而已用兵淺者詩曰密人不恭敢距大邦

賊殺其親則正之。

正之者執而治其罪王霸記曰正殺之也春秋僖二十八年冬

晉人執衛侯歸之于京師坐殺其弟叔武

坐才臥反

放弑其君則殘之。

放逐也殘殺也王霸記曰殘滅其為惡

弑本文作殺同音韻

犯令陵政則杜之。

令猶命也王霸記曰犯令者違命也陵政者輕政灋不循也杜

周禮

夏官

大司馬  
之者杜塞使不得與鄰國交通。

九

外內亂鳥獸行則滅之。

王霸記曰悖人倫外內無以異于禽獸不可親百姓則誅滅去

之也曲禮曰夫唯禽獸無禮故父子聚麀

字孟反悖必內反去起音反去首特麀於牛反牝鹿也

正月之吉始和布政于邦國都鄙乃縣政象之灋于象魏使萬民

觀政象挾日而斂之。

以正月朔日布王政於天下至正歲又縣政灋之書挾日十日

也縣音元注同始直

史反挾字協反

乃以九畿之籍施邦國之政職方千里曰國畿其外方五百里曰

侯畿又其外方五百里曰甸畿又其外方五百里曰男畿又其外

方五百里曰采畿又其外方五百里曰衛畿又其外方五百里曰

蠻畿又其外方五百里曰夷畿又其外方五百里曰鎮畿又其外

方五百里曰蕃畿。

一畿猶限也。自王城以外五千里為界。有分限者九。籍其禮差之書也。政職所共。王政之職。謂賦稅也。故書畿為近。鄭司農云。近當言畿。春秋傳曰。天子一畿。列國一同。詩殷頌曰。邦畿千里。維

民所止。分符閭反。其音恭。凡供字皆作其。後倣此。

凡令賦以地與民制之。上地食者參之二。其民可用者家三人。中地食者半。其民可用者二家五人。下地食者參之一。其民可用者家二人。

賦給軍用者也。令邦國之賦亦以地之美惡。民之眾寡為制。如六遂矣。鄭司農云。上地謂肥美田也。食者參之二。假令一家有三頃。歲種二頃。休其一頃。下地食者參之一。田薄惡者所休多。

令方呈反。

周禮夏官

大司馬

十

中春教振旅。司馬以旗致民。平列陳。如戰之陳。

以旗者立旗期民於其下也。兵者守國之備。孔子曰。以不教民戰。是謂棄之。兵者凶事。不可空設。因蒐狩而習之。凡師。出曰治兵。入曰振旅。皆習戰也。四時各教民。以其一焉。春習振旅。兵入收眾。專於農。平猶正也。中音伸。下放此。陳直觀反。下之陳可陳。陳前。向陳行。陳巡陳皆同。餘以意求之。蒐所置反。

辨鼓鐸鑼之屬。鑼之用。王執路鼓。諸侯執賁鼓。軍將執晉鼓。師帥執提。旅帥執鼙。卒長執鐃。兩司馬執鐸。公司馬執鑼。

鼓人職曰。以路鼓。鼓鬼享。以賁鼓。鼓軍事。以晉鼓。鼓金奏。以金鑼。止鼓。以金鐸。通鼓。以金鑼。節鼓。鄭司農云。辨鼓。鐸鑼鑼之屬。鑼。讀如濁。其源之濁。鑼。讀如謹。曉之。提。提。讀如攝。提之。提。謂馬上鼓。有曲木提。持鼓。立馬髦上者。故謂之提。杜子春云。公司馬。謂五人為伍。伍之司馬也。元謂王不執賁鼓。尚之。

於諸侯也。伍長謂之公司馬者，雖卑同其號。

辨如字劉方免反鏡面各反獨直角反鏡女交反

扶云反將軍如字本或作軍將提徒兮反提薄兮反鏡音征謹火官反噍女交反攝提爾雅云太歲在寅曰攝提格

以教坐作進退疾徐疏數之節

習戰灋疏數音朔注疏數同

遂以蒐田。有司表貉，誓民，鼓遂圍禁，火弊，獻禽以祭社。

春田為蒐，有司大司徒也。掌大田役治徒庶之政令。表貉立表而貉祭也。誓民誓以犯田灋之罰也。誓曰：無干車，無自後射。立旌遂圍禁，旌弊爭禽而不審者，罰以假馬。禁者虞衡守禽之厲禁也。既誓，令鼓而圍之。遂蒐田，火弊，火止也。春田主用火，因焚萊除陳草，皆殺而火止。獻猶致也。屬也。田止，虞人植旌，眾皆獻其所獲禽焉。詩云：言私其穢，獻肩于公。春田主祭社者，土方施生也。鄭司農云：貉讀為禡，禡謂師祭也。書亦或為禡。貉莫駕反注同弊輝世反劉傳

周禮夏官

大司馬

十一

計反射食亦反下王射同鏡子工反屬詩作初音同施式或反禡莫駕反

中夏教芟舍，如振旅之陳。羣吏撰車徒，讀書契，辨號名之用。師以門名，縣鄙各以其名。家以號名，鄉以州名，野以邑名，百官各象其事，以辨軍之夜事。其他皆如振旅。

芟讀如萊沛之沛。芟舍，草止之也。軍有草止之灋，撰讀曰算算。車徒謂數擇之也。讀書契，以簿書校錄軍實之凡要，號名者徽識，所以相別也。鄉遂之屬謂之名家之屬謂之號，百官之屬謂之事。在國以表朝位，在軍又象其制而為之，被之以備死事。師謂軍將及師帥旅帥至伍長也。以門名者，所被徽識如其在門所樹者也。凡此言以也，象也，皆謂其制同耳。軍將皆命卿，古者軍將蓋為營治於國門，魯有東門襄仲，宋有桐門右師，皆上卿。為軍將者也。縣鄙謂縣正鄙師至鄰師至鄰長也。家謂食采地者之臣。

也。鄉以州名，亦謂州長至比長也。野謂公邑大夫，百官以其職從王者，此六者皆書其官與名氏焉。門則襄仲右師明矣。鄉則南鄉甄東鄉爲人，是也。其他象此云某某之名某某之號某某之事而已。未盡聞也。鄉遂大夫文錯不見，以其素信于民，不爲軍將，或爲諸帥，是以闕焉。夜事戒夜守之事，草止者慎於夜，於是主別其部職。交蒲宋反，蹇息轉反，文仕轉反，注音寘，息緩反，沛步采反，音貝，又音貝，反，蹇色主反，薄步古反，後簿書皆放此，識音志，音試，下同，韜直遜反，破皮爲反，下同，皆直吏反，其

遂以苗田如蒐之灋，軍弊獻禽以享祔。

夏田爲苗，擇取不孕任者，若治苗去不秀實者云。軍弊驅獸之車止也。夏田主用車，示所取物希，皆殺而車止。王制曰：天子殺則下大綏，諸侯殺則下小綏，大夫殺則止佐車，佐車止則百姓田獵。祔宗廟之夏祭也。冬夏田主于祭宗廟者，陰陽始起，象神之在內。初餘若反，孕牟謚反，去起呂反，綏而誰反，下同。

周禮

夏官

大司馬

士

中秋教治兵，如振旅之陳，辨旗物之用。王載大常，諸侯載旂，軍吏載旗，師都載旛，鄉遂載物，郊野載旐，百官載廡，各書其事，與其號焉。其他皆如振旅。

軍吏，諸軍帥也。師都，遂大夫也。鄉遂，鄉大夫也。或載旛，或載物。衆屬軍吏，無所將也。郊謂鄉遂之州長縣正以下也。野謂公邑大夫，載旐者，以其將羨卒也。百官，卿大夫也。載廡者，以其屬衛王也。凡旌旗有軍旅者，畫異物，無者帛而已。書當爲畫事也。號也，皆畫以雲氣。書音畫，出注氣本或作氣，同。

遂以獮田如蒐之灋，羅弊致禽以祀祔。

秋田爲獮，獮殺也。羅弊，罔止也。秋田主用罔，中殺者多也。皆殺而罔止，祔當爲方聲之誤也。秋田主祭四方，報成萬物。詩曰：以

社以方獨息淺反祜音方出注皆殺如字劉色界反

### 中冬大閱

春辨鼓鐸夏辨號名秋辨旗物至冬大閱簡軍實凡頒旗物以出軍之旗則如秋以尊卑之常則如冬司常佐司馬時也大閱備軍禮而旌旗不如出軍之時空辟實閱音悅辟音避

### 前期羣吏戒眾庶修戰澧

羣吏鄉師以下

虞人萊所田之野為表百步則一為三表又五十步為一表田之日司馬建旗于後表之中羣吏以旗物鼓鐸鑼各帥其民而致質明弊旗誅後至者乃陳車徒如戰之陳皆坐

鄭司農云虞人萊所田之野芟除其草萊令車得驅馳詩曰田卒汚萊元謂萊芟除可陳之處後表之中五十步表之中央表

### 周禮夏官

大司馬

三

所以識正行列也四表積二百五十步左右之廣當容三軍步數未聞致致之司馬質正也弊仆也皆坐當聽誓其所衝反谷力呈反下合走同卒子

### 羣吏聽誓于陳前斬牲以左右徇陳曰不用命者斬之

羣吏諸軍帥也陳前南面鄉表也月令季秋天子教于田獵以

習五戎司徒播仆北面以誓之此大閱禮實正歲之中冬而說

季秋之政於周為中冬為月令者失之矣斬牲者小子也凡誓

之大略甘誓湯誓之屬是也鄉許亮反稽劉如字又音簡音初洽反卦音卜反甘如字劉朝甘反

中軍以鞶令鼓鼓人皆三鼓司馬振鐸羣吏作旗車徒皆作鼓行鳴鑼車徒皆行及表乃止三鼓攄鐸羣吏弊旗車徒皆坐

中軍中軍之將也天子六軍三三而居一偏羣吏既聽誓各復其部曲中軍之將令鼓鼓以作其士眾之氣也鼓人者中軍之

將帥旅帥也。司馬兩司馬也。振鐸以作眾，作起也。旣起，鼓人擊鼓以行之。伍長鳴鐸以節之。伍長，一曰公司馬。及表自後表前至第二表也。三鼓者，鼓人也。鄭司農云：「攏讀如弄。」元謂如涿鹿之鹿，掩上振之爲攏。攏者，止行息氣也。司馬灋曰：「鼓聲不過闐，闐聲不過闐，鐸聲不過琅。」闐音獨，闐音剛，反闐音獵。琅音耶。又三鼓振鐸作旗，車徒皆作鼓進鳴鐸，車驟徒趨，及表乃止，坐作如初。

趨者，赴敵尙疾之漸也。春秋傳曰：「先人有奪人之心。」及表自第

二前至第三。驟在救反，劉才。邁反，先悉薦反。

乃鼓車馳徒走，及表乃止。

及表自第三前至前表。

鼓戒三闐，車三發，徒三刺。

周禮夏官

大司馬

周

鼓戒，戒攻敵。鼓壹闐，車壹轉，徒壹刺，三而止。象服敵。闐音苦，穴反。

乃鼓退鳴鐸，且卻，及表乃止，坐作如初。

鏡所以止鼓，軍退卒長鳴鏡以和眾。鼓人爲止之也。退自前表

至後表。鼓鐸則同，習戰之禮。出入一也。異者廢鐸而鳴鏡。卻起略反，和胡

臥反爲字，僞反。下爲相疑同。

遂以狩田，以旌爲左右和之門，羣吏各帥其車徒，以敍和出。左右陳車徒，有司平之。旌居卒閒，以分地。前後有屯，百步。有司巡其前後險，野人爲主，易野車爲主。

冬田爲狩，言守取之，無所擇也。軍門曰和。今謂之壘門，立兩旌

以爲之，敍和出，用次第出和門也。左右或出而左，或出而右。有

司平之，鄉師居門，正其出入之行列也。旌，軍吏所載，分地調其

一部曲疏數。前後有屯，百步。車徒異羣，相去之數也。車徒畢出和

門鄉師又巡其行陳鄭司農云險野人爲主人居前易野車爲  
主車居前分扶問反又如字注同易以鼓反注同學芳軌反

既陳乃設驅逆之車有司表貉于陳前

驅驅出禽獸使趨田者也逆逆要不得令走設此車者田僕也

驅在具反又如字要於遙反

中軍以鼙令鼓鼓人皆三鼓羣司馬振鐸車徒皆作遂鼓行徒銜  
枚而進大獸公之小禽私之獲者取左耳

羣司馬謂兩司馬也枚如箸銜之有繯結項中軍灋止語爲相

疑惑也進行也鄭司農云大獸公之輸之於公小禽私之以自

畀也詩云言私其穢獻肩于公一歲爲穢二歲爲犯三歲爲特

四歲爲肩五歲爲慎此明其獻大者於公自取其小者元謂慎

讀爲慶爾雅曰豕生三日豨豕牝曰羸牝曰麋獲得也得禽

周禮夏官

大司馬

五

獸者取左耳當以計功著直慮反羸戶卦反劉又胡麥反或音執畀必二反與也犯音巴本亦作巴慎如字亦音辰麋音辰又音醫上刃反

慶麋也獲本亦作穢字工反

及所弊鼓皆駈車徒皆諫

鄭司農云及所弊至所弊之處元謂至所弊之處田所當於止

也天子諸侯蒐狩有常至其常處吏士鼓諫象攻敵剋勝而喜

也疾雷擊鼓曰駈諫謹也書曰前師乃鼓鼗諫亦謂喜也駈本亦作駈胡

楷反李一音多諫素報反鼗音符又芳甫反

徒乃弊致禽饁獸于郊入獻禽以享烝

徒乃弊徒止也冬田主用眾物多眾得取也致禽饁獸于郊聚

所獲禽因以祭四方神于郊月令季秋天子既田命主祠祭禽

四方是也入又以禽祭宗廟饁字駈反劉子慶反烝之丹反後皆放此

及師大合軍以行禁令以救無辜伐有罪



師所謂王巡守若會同司馬起師合軍以從所以威天下行其政也不言大者未有敵不尙武。從才用反下同

若大師則掌其戒令。涖大卜。帥執事。涖釁主及軍器。

大師王出征伐也。涖臨也。臨大卜。卜出兵吉凶也。司馬灋曰。上下下謀是謂參之主。謂遷廟之主。及社主在軍者也。軍器鼓鐸之屬。凡師既受甲。迎主于廟及社主。祝奉以從。殺牲以血塗主及軍器皆神之。

及致建大常比軍眾誅後至者。

比或作庀。鄭司農云。致謂聚眾也。庀具也。元謂致鄉師致民於司馬。比較次之也。比必履反注同或吐志反劉方言反。庀亮是反劉芳美反具也沈方二反。

及戰巡陳眠事而賞罰。

事謂戰功也。眠音視。

周禮夏官

大司馬

夫

若師有功則左執律。右秉鉞以先。愷樂獻于社。

功勝也。律所以聽軍聲。鉞所以為將威也。先猶道也。兵樂曰愷。獻于社。獻功于社也。司馬灋曰。得意則愷樂。愷歌示喜也。鄭司農云。故城濮之戰。春秋傳曰。振旅愷以入于晉。鉞音越道音。導灋音卜。

若師不功則厭而奉主車。

鄭司農云。厭謂厭冠喪服也。軍敗則以喪禮。故秦伯之敗於穀也。春秋傳曰。秦伯素服郊次。鄉師而哭。元謂厭伏冠也。奉猶送也。送主歸於廟與社。厭於涉反李一音於入反注同。穀戶交反劉音蒙鄉許亮反。

王弔勞士庶子則相。

師敗王親弔士庶子之死者。勞其傷者。則相王之禮。庶子卿大夫之子。從軍者或謂之庶士。勞老報反注同。相息亮反注同。

大役與慮事屬其植受其要以待攷而賞誅。

大役築城邑也。鄭司農云：國有大役，大司馬與謀慮其事也。植謂部曲將吏，故宋城春秋傳曰：華元爲植巡功，屬謂聚會之也。要者簿書也。或謂考校其功，元謂慮事者封人也。於有役，司馬與之植築城植也。屬賦丈尺，與其用人數。

與慮音預，又如字，注與謀同屬音燭，注同植直吏反，注同華戶化反，植音貞。

大會同，則帥士庶子而掌其政令。

帥師以從王。

若大射則合諸侯之六耦。

大射王將祭，射于射宮以選賢也。王射三侯，以諸侯爲六耦。

大祭祀饗食，羞牲魚，授其祭。

牲魚，魚牲也。祭謂尸賓所以祭也。鄭司農云：大司馬主進魚牲。

食音嗣，後饗食皆放此。

周禮 夏官

大喪平士大夫。

大司馬 小司馬 軍司馬 輿司馬 行司七  
馬司勳

鄭司農云：平，其服也。元謂平者，正其職與其位。

喪祭奉詔馬牲。

王喪之以馬祭者，蓋遣奠也。奉猶送也。送之至墓，告而藏之。

喪戰反，後遣奠遣車之類皆同。

小司馬之職掌。

此下字脫滅，札爛文闕，漢與求之不得，遂無識其數者。

凡小祭祀會同饗射，師田喪紀，掌其事。如大司馬之灋。

軍司馬 闕

輿司馬 闕

行司馬 闕

司勳掌六鄉賞地之灋，以等其功。

賞地賞田也。在遠郊之內，屬六鄉焉。等猶差也。以功大小爲差。

王功曰勳。輔成王業若周公。

國功曰功。

保全國家若伊尹。

民功曰庸。

灋施於民若后稷。

事功曰勞。

以勞定國若禹。

治功曰力。

制灋成治若咎繇。治直吏反。正同。咎音善。繇音遙。

戰功曰多。

周禮夏官

司勳

大

剋敵出奇若韓信陳平。司馬灋曰：上多前虜。

凡有功者，銘書于王之太常，祭于大烝，司勳詔之。

銘之言名也。生則書於王旌以識其人，與其功也。死則於烝先

王祭之。詔謂告其神以辭也。盤庚告其卿大夫曰：茲予大享於

先王，爾祖其從與享之，是也。今漢祭功臣於廟庭。識音志。盤步干反。與音預。

大功，司勳藏其貳。

貳猶副也。功書藏於天府。又副於此者，以其主賞。

掌賞地之政令。

政令謂役賦。

凡賞無常，輕重視功。

無常者，功之大小不可豫。

凡頒賞地，參之一食。

鄭司農云不以美田爲采邑元謂賞地之稅參分計稅王食其一也一全入於臣

惟加田無國正

加田既賞之又加賜以田所以厚恩也鄭司農云正謂稅也祿田亦有給公家之賦貢若今時侯國有司農少府錢穀矣獨加賞之田無正耳正音征注同本亦作征少時照反

馬質掌質馬馬量三物一曰戎馬二曰田馬三曰騶馬皆有物賈

此三馬賈以給官府之使無種也鄭司農云皆有物賈皆有物色及賈直賈音矯注及下同種音勇反下同

綱惡馬

鄭司農云綱讀爲以亢其讐之亢善亦或爲亢亢御也禁也禁去惡馬不畜也元謂綱以縻索維綱狎習之亢苦浪反又音剛下同御魚呂反本亦作御字同去

周禮夏官

司勳 馬質

亢

起呂反小字注去之同慶亡皮反

凡受馬于有司者書其齒毛與其賈馬死則甸之內更甸之外入馬耳以其物更其外否

鄭司農云更謂償也元謂甸之內死者償以毛齒與賈受之日淺養之惡也甸之外死入馬耳償以毛色不以齒賈任之過其任也其外否者甸之外踰二十日而死不用非用者罪更音旋下及注

同任用音王又而鳩反

馬及行則以任齊其行

識其所載輕重及道里齊其勞逸乃復用之復與反

若有馬訟則聽之

訟謂賣買之言相負

禁原蓋者

原再也。天文辰爲馬，蠶書蠶爲龍，精月直，大火則浴其種，是蠶與馬同氣物，莫能兩大。禁再蠶者，爲傷馬。與直音，值爲傷子，偽反。

量人掌建國之灋，以分國爲九州。營國城郭，營后宮，量市朝，道巷門，渠造都邑，亦如之。

建立也。立國有舊灋式。若匠人職云：分國定天下之國分也。后君也。言君吞王與諸侯。朝直遙反，下及注。同國分也。扶問反。

營軍之壘舍，量其市朝，州塗，軍社之所里。

軍壁曰壘。鄭司農云：量其市朝，州塗，還市朝而爲道也。元謂州一州之衆二千五百人爲師，每師一處市也。朝也。州也。皆有道以相之。軍社，社主在軍者里居也。塗本又作塗，還市。如室，劉戶串反。

邦國之地與天下之塗數，皆書而藏之。

書地謂方圓山川之廣狹。書塗謂支湊之遠近。湊七豆反。

周禮夏官

馬質 量人 小子

辛

凡祭祀饗賓制其從獻脯燔之數量。

鄭司農云：從獻者肉，殺從酒也。元謂燔從於獻酒之肉，豕也。數多少也。量，長短也。豕章夜反。

掌喪祭奠窆之俎實。

窆，亦有俎實，謂所包遺奠。士喪禮下篇曰：藏苞筭於旁。窆昌鏡反，舊所交反。

凡宰祭與饗人受擘歷而皆飲之。

言宰祭者，豕宰佐王祭，亦容攝祭。鄭司農云：擘，讀如嫁娶之嫁。擘器名，明堂位曰：爵夏后氏以琖，殷以擘，周以爵。元謂擘讀如椀。尸之椀，宰家宰。擘古雅反，劉依司農音，殊。椀，劉產反，劉本作擘，音同，椀，古雅反。

小子掌祭祀羞羊肆，羊殺肉豆。

鄭司農云：羞，進也。羊肆，體薦全烝也。羊殺，體解節折也。肉豆者，切肉也。元謂肆讀爲髣，羊髣者，所謂豚解也。肆依注音，髣，他歷反。音餘四反，折之設反。

而掌珥于社稷，祈于五祀。

故書祀作禋，鄭司農云：禋讀為祀，書亦或為祀。珥，社稷以牲頭祭也。元謂珥讀為珥，祈或為刳，刳，珥者，釁禮之事也。用毛牲曰刳，羽牲曰珥。珥，刳社稷五祀，謂始成其宮兆時也。春官肆師職：祈或作畿，秋官司師職曰：凡刳珥，則奉犬牲，此刳珥正字與。珥，依字書云：珥也。曰斷也。或古變反。又公丙反。與音餘。

注音珥而志反。後同。音仍。祈音機。禋音祀。音機。字書云：珥也。曰斷也。或古變反。又公丙反。與音餘。

凡沈辜侯禴，飾其牲。

鄭司農云：沈，謂祭川。爾雅曰：祭川曰浮。沈，辜，謂磔牲以祭也。月令曰：九門磔禴，以畢春氣。侯，禴者，侯四時惡氣，禴去之也。禴如羊反。磔，

格反。

釁，邦器及軍器。

邦器，謂禮樂之器及祭器之屬。雜記曰：凡宗廟之器，其名者成

周禮夏官

則釁之以豶豚。豶音家。

小子 羊人

三

凡師田，斬牲以左右徇陳。

示犯誓必殺之。徇，辭。俊反。

祭祀，贊羞受徹焉。

羊人掌羊牲，凡祭祀飾羔。

羔，小羊也。詩曰：四之日其蚤，獻羔祭韭。

祭祀，割羊牲，登其首。

登，升也。升首報陽也。升首於室。

凡祈珥，共其羊牲。

共，猶給也。

賓客共其瀼羊。

瀼，羊食饗積膳之羊。食饗音嗣。本又作狼。饗。

凡沈辜侯禴豐積共其羊牲。

積故書為眡鄭司農云眡讀為漬謂毀國寶漬軍器也元謂積積柴禮祀櫛燎實柴眡徐賜反與漬同櫛羊久反燎良召反

若牧人無牲則受布于司馬使其賈買牲而共之。

布泉賈音古

司燿掌行火之政令四時變國火以救時疾。

行猶用也變猶易也鄭司農說以鄆子曰春取榆柳之火夏取棗杏之火季夏取桑柘之火秋取柞楡之火冬取槐檀之火子樵

洛反櫛羊久反又音由

季春出火民咸從之季秋內火民亦如之。

火所以用陶冶民隨國而為之鄭人鑄刑書火星未出而作火後有災鄭司農云以三月本時昏心星見於辰上使民出火尤

周禮夏官

羊人 司燿 掌國

三

日本黃昏心星伏在戌上使民內火故春秋傳曰以出內火賢

遍

時則施火令。

焚萊之時。

凡祭祀則祭燿。

報其為明之功禮如祭饗。

凡國失火野焚萊則有刑罰焉。

野焚萊民擅放火。

掌固掌脩城郭溝池樹渠之固頒其士庶子及其眾庶之守。

樹謂枳棘之屬有刺者也眾庶民逸守固者也鄭司農說樹以國語曰城守之木於是乎用之枳居氏反刺比賜反樹劉待禮及文待計反

設其飾器。

兵甲之屬。今城郭門之器亦然。

分其財用。均其稍食。

財用。國以財所給守吏之用也。稍食。祿廩。

任其萬民用其材器。

任謂以其任使之也。民之材器其所用塹築及為藩落。塹七豔反。

凡守者受瀟焉以通守政。有移甲與其役財用。唯是得通與國有司帥之。以贊其不足者。

凡守者士庶子及他要害之守吏。通守政者兵甲役財難易多。少。轉移相給也。其他非是不得妄離部署。國有司掌固也。其移

之者又與掌固帥致之贊佐也。凡守者劉收又反注凡守者下有守同易以鼓反難方智反。

晝三巡之夜亦如之。

巡行也。行守者為眾庶之解惰。行于孟反下皆同為于偽反解佳賣反。

周禮夏官掌固

夜三警以號戒。

杜子春云。讀警為造次之造。謂擊鼓行夜戒守也。春秋傳所謂

賓將趣者與。趣與造音相近。故曰終夕與燎。元謂警擊警警守

鼓也。三巡之間。又三擊警。警音戚。造七報反。下同。趣莊久反。劉祖侯反。杜七柱反。者與音餘。近附近之。近與燎音頭。

若造都邑則治其固。與其守瀟。

都邑亦為城郭。

凡國都之竟有溝樹之固。郊亦如之。

竟界也。竟音鏡。注及下同。

民皆有職焉。

職謂守與任。

若山川則因之。

山川若敬阜河漢。



司險掌九州之圖以周知其山林川澤之阻而達其道路

周猶徧也達道路者山林之阻則開鑿之川澤之阻則橋梁之

一徧音遍

設國之五溝五涂而樹之林以為阻固皆有守禁而達其道路

五溝遂溝洫澮川也五涂徑畛涂道路也樹之林作藩落也況通

或反澮古外反畛之忍反

國有故則藩塞阻路而止行者以其屬守之唯有節者達之

有故喪災及兵也閉絕要害之道備姦寇也

掌疆闕

候人各掌其方之道治與其禁令以設候人

道治治道也國語曰候不在竟譏不居其方也禁令備姦寇也

以設候人者選士卒以為之詩云彼候人兮何戈與祗治直吏反注道治反

周禮夏官

司險 掌疆 候人 環人

音

下方治同何胡我反又音河祗都外反劉賡律反

若有方治則帥而致于朝及歸送之于竟

方治其方來治國事者也春秋傳曰晉欒盈過周王使候人出

諸輶轅是其送之朝直遙反擊音關反

環人掌致師

致師者致其必戰之志古者將戰先使勇力之士犯敵焉春秋

傳曰楚許伯御樂伯攝叔為右以致晉師許伯曰吾聞致師者

御靡旌摩壘而還樂伯曰吾聞致師者左射以敢代御執轡御

下搦馬掉鞅而還攝叔曰吾聞致師者右入壘折馘執俘而還

皆行其所聞而復之殺側留反劉子候反攝音兩又音亮提徒弔反又奴孝反鞅於兩反搦之設反下同馘古獲反俘音孚

察軍慝

慝陰姦也視軍中有為慝者則執之慝他得反

環四方之故。

卻其以事謀來侵伐者。所謂折衝禦侮。

巡邦國搏謀賊。

謀賊反間為國賊。搏音博。又房布反。劉音付。謀音牒。間音間。副之間。

訟敵國。

敵國兵來。則往與之訟。曲直若齊國佐如師。

揚軍旅。

為之威武以觀敵。詩云。維師尚父。時維鷹揚。

降圍邑。

圍邑。欲降者受而降之。春秋傳曰。齊人降鄆。降戶江反。注同鄆。音章。劉諸讓反。

挈壺氏。掌挈壺以令軍井。挈轡以令舍。挈奮以令糧。

鄭司農云。挈壺以令軍井。謂為軍穿井。井成。挈壺縣其上。令軍

周禮。夏官

環人。挈壺氏。

圭

中士眾皆望見。知此下有井。壺所以盛飲。故以壺表井。挈轡以

令舍。亦縣轡于所當舍止之處。使軍望見。知當舍止。于此轡所

以駕舍。故以轡表舍。挈奮以令糧。亦縣奮于所當稟假之處。令

軍望見。知當稟假于此下也。奮所以盛糧之器。故以奮表稟軍

一。中人多。車騎雜會。謹羈號。令不能相聞。故各以其物為表。首煩

一。趨疾于事便也。奮音本為平。偽反。下為沃。同縣音縣。下皆同。令力呈反。盛音成。下同。稟

反。

凡軍事。縣壺以序聚櫟。凡喪。縣壺以代哭者。皆以水火守之。分以

日夜。

鄭司農云。縣壺以為漏。以序聚櫟。以次更聚。擊櫟備守也。元謂

擊櫟。兩木相敲。行夜時也。代亦更也。禮未大斂。代哭。以水守壺

一者。為沃漏也。以火守壺者。夜則火視刻數也。分以日夜者。異晝

夜漏也。漏之箭晝夜共百刻。冬夏之間有長短焉。大史立成灋。有四十八箭。櫟音託更音庚下同。敲音交反。又苦教反。行下孟反。共如字。

及冬則以火爨鼎水而沸之而沃之。

鄭司農云冬水凍漏不下故以火炊水沸以沃之謂沃漏也。爨七

反端

射人掌國之三公孤卿大夫之位三公北面孤東面卿大夫西面其摯三公執璧孤執皮帛卿執羔大夫鴈

位將射始入見君之位不言士者此與諸侯之賓射士不與也

燕禮曰公升即位于席西鄉小臣納卿大夫卿大夫皆入門右

北面東上士立於西方東面北上大射亦云則凡朝燕及射臣

見于君之禮同。見君賢遍反下同不與音預鄉許亮反朝直遙反下文及注皆同

諸侯在朝則皆北面詔相其灋

周禮夏官 挈壺氏 射人

美

謂諸侯來朝而未歸王與之射於朝者皆北面從三公位灋其

禮儀。相息亮反下及相孤同

若有國事則掌其戒令詔相其事

謂王有祭祀之事諸侯當助其薦獻者也戒令告以齊與期。齊側

反皆

掌其治達

謂諸侯因與王射及助祭而有所治受而達之於王王有命又

受而下之。治直吏反

以射灋治射儀王以六耦射三侯三獲三容樂以騶虞九節五正

諸侯以四耦射二侯二獲二容樂以貍首七節三正孤卿大夫以

三耦射一侯一獲一容樂以采蘋五節二正士以三耦射豻侯一

獲一容樂以采芣五節二正



王射則令去侯立于後以矢行告卒令取矢。

鄭司農云射人主令人去侯所而立于後也以矢行告射人主以矢行高下左右告于王也大射禮曰大射正立于公後以矢行告于公下曰畱上曰揚左右曰方杜子春說以矢行告告白射事于王王則執矢也杜子春說不與禮經合疑非是也卒令取矢謂射卒射人令當取矢者使取矢也元謂令去侯者命負侯者去侯也鄉射曰司馬命獲者執旌以負侯卒字恤反佳同

祭侯則為位。

祭侯獻服不服不以祭侯為位為服不受獻之位也大射曰服不侯西北三步北面拜受箭。

與大史數射中。

射中數射者中侯之算也大射曰司射適階西釋弓去扑襲進

周禮夏官

射人

三

由中東立于中南北面視算數所主反注同扑音卜反劉方進反說文交互反

佐司馬治射正。

射正射之灋儀也。

祭祀則贊射牲相孤卿大夫之灋儀。

烝嘗之禮有射豕者國語曰禘郊之事天子必自射其牲今立

秋有驅劉云驅力朱反一音如字

會同朝覲作大夫介凡有爵者。

作讀如作止爵之作諸侯來至王使公卿有事焉則作大夫使之介也有爵者命士以上不使賤者介劉古拜反注及下同

大師令有爵者乘王之倅車。

倅車戎車之副倅七芮反劉倉曼反

有大賓客則作卿大夫從。

作者選使從王見諸侯。從字用反注同

### 戒大史及大夫介

戒戒其當行者。覲禮曰諸公奉篋服加命書于其上。升自西階東面。大史氏右。

### 大喪與僕人遷尸作卿大夫掌事比其廬不敬者苛罰之

僕人大僕也。僕人與射人俱。掌王之朝位也。王崩小斂大斂遷尸于室堂。朝之象也。檀弓曰扶君卜人師扶右射人師扶左君

薨以是舉苛謂詰問之。比毗志反苛音何又呼何反朝直遙反下皆同

### 服不氏掌養猛獸而教擾之

猛獸虎豹熊羆之屬。擾馴也。教習使之馴服。王者之教無不服

擾而小反劉音德罷彼皮反馴似遭反一音屬

### 凡祭祀共猛獸

周禮夏官

射人 服不氏 射鳥氏

羆

謂中膳羞者獸人冬獻狼春秋傳曰熊蹯不熟。蹯音煩掌也

### 賓客之事則抗皮

鄭司農云謂賓客來朝聘布皮帛者服不氏主舉藏之。抗讀為

亢其饗之。亢元謂抗者若聘禮曰有司二人舉皮以東。抗注亢同苦浪反劉

一公耶反

### 射則贊張侯以旌居之而待獲

贊佐也。大射禮曰命量人巾車張三侯。杜子春云待當為持書

亦或為持之讀為置之之持獲者所蔽元謂待獲待射者中

舉旌以獲。山知字劉居各反中字仲反

### 射鳥氏掌射鳥

鳥謂中膳羞者。鳧鴈鴉之屬。射食亦反下射鳥同鴈音扶鴉音保鸚子苗反

### 祭祀以弓矢毆鳥鳧凡賓客會同軍旅亦如之

鳥鳶善鈔盜便汗人歐起居反嘗也專反鈔初教反又初交反便婢面反劉符稍反

射則取矢矢在侯高則以并夾取之

鄭司農云王射則射鳥氏主取其矢矢在侯高者矣著侯高人手不能及則以并夾取之并夾鍼箭具來讀為甲故司弓矢職

曰大射燕射共弓矢并夾夾音甲著直略反鍼其炎反季其嚴反沈云或作鉞

羅氏掌羅鳥鳥

鳥謂卑居鵠之屬卑音匹又如宗

蜡則作羅襦

作猶用也鄭司農云蜡謂十二月大祭萬物也郊特性曰天子

一大蜡謂歲十二月合聚萬物而索饗之襦細密之羅襦讀為縠

有衣絮之縠元謂蜡建亥之月此時火伏蟄者畢矣豺既祭獸

可以羅網圍取禽也王制曰豺祭獸然後田又曰昆蟲已蟄可

周禮夏官

射鳥氏 羅氏 堂畜

三

以火田今俗放火張羅其遺教釋女俱反或音須注縠同索色白反絮女居反字又作和

中春羅春鳥獻鳩以養國老行羽物

春鳥蟄而始出者若今南郡黃雀之屬是時鷹化為鳩鳩與春

鳥變舊為新宜以養老助生氣行謂頌賜中音仲

掌畜掌養鳥而阜蕃教擾之

阜猶盛也蕃蕃息也鳥之可養使盛大蕃息者謂鴉鳶之屬音首

播注同鵝五何反音音木

祭祀共卵鳥

其卵可薦之鳥卵劉本作鼎音卵

歲時貢鳥物

鴉鳶之屬以四時來

共膳獻之鳥

雉及鶉鴛之屬。鶉音純。獨音如。

司士掌羣臣之版以治其政令。歲登下其損益之數。辨其年歲與其貴賤。周知邦國都家縣鄙之數。卿大夫士庶子之數。

損益謂用功過黜陟者。縣鄙鄉遂之屬。故書版為班。鄭司農云。

班書或為版。版名籍。版音板。

以詔王治。

告王所當進退。治。直吏反。法。治處同。

以德詔爵。以功詔祿。以能詔事。以久奠食。

德謂賢者。食稍食也。賢者既爵。乃祿之能者。事成乃食之。王制。

曰。司馬辨論官材。論進士之賢者。以告於王。而定其論。論定。然後官之。任官然後爵之。位定然後祿之。

奠音定。乃。食音嗣。其論。論音。顛反。下同。又如字。在音王。

惟賜無常。

周禮。夏音。

司士

三

賜多少由王。不如祿。食有常品。

正朝儀之位。辨其貴賤之等。王南鄉。三公北面東上。孤。東面北上。卿大夫西面北上。王族故士。虎士在路門之右。南面東上。大僕大右。大僕從者在路門之左。南面西上。

此王日視朝事於路門外之位。王族故士。故為士。晚退。留宿衛。

者未嘗仕。雖同族不得在王宮。大右。司右也。大僕從者。小臣祭。

僕御。僕隸。僕。正朝直遙。反。注下。皆同。後內朝外朝。朝聘朝親。朝朝位之類。放。此以意求之。獨許亮反。注同。大音泰。下。做。此宿音。夙。劉息。反。

司士擯。

詔王出揖。公卿大夫以下朝者。擯。必。对反。

孤卿特揖。大夫以其等旅揖。士旁三揖。王還揖。門左揖。門右。

特揖。一一揖之。旅。眾也。大夫爵同者。眾揖之。公及孤卿大夫。始。

入門右。皆北面東上。王揖之。乃就位。羣士及故士。大僕之屬。發。



在其位羣士位東面王西南鄉而揖之三揖者士有上中下王揖之皆送遁既復位鄭司農云卿大夫士皆君之所揖禮春秋傳所謂三揖在下。送七巡反通音巡。

### 大僕前

前正王視朝之位

### 王入內朝皆退

王入內路門也王入路門內朝朝者皆退反其官府治處也王之外朝則朝士掌焉玉藻曰朝服以日視朝於內朝朝辨色始入君日出而視之退適路寢聽政使人視大夫大夫退然後適小寢謂諸侯也王日視朝皮弁服其禮則同。

### 掌國中之士治凡其戒令

國中城中

### 周禮

夏官

司士

### 掌擯士者膳其摯

擯士皆見初為士者於王也鄭司農云膳其摯者王食其所執羔鴈之摯元謂膳者人於王之膳人。見皆遍反食如字劉音嗣。

### 凡祭祀掌士之戒令詔相其灋事及賜爵呼昭穆而進之

賜爵神惠及下也此所賜王之子姓兄弟祭統曰凡賜爵昭為一穆為一昭與昭齒穆與穆齒凡羣有司皆以齒此之謂長幼

有序。相息亮反略上招反後同長于丈反。

### 帥其屬而割牲羞俎豆

割牲制體也羞進也。

### 凡會同作士從賓客亦如之

作士從謂可使從於王者。從牙用反非并諸子職同。

### 作士適四方使為介

士使謂自以王命使也。介大夫之介也。春秋傳曰：天王使石尚來歸賑。使邑反。又如字。注：士使命使同。介音。戒賑上。軫反。

### 大喪作士掌事

事謂奠斂之屬。斂力豔反。

### 作六軍之士執披

作謂使之也。披，樞車行所以披持棺者。有紐以結之，謂之戴。鄭司農云：披者，扶持棺險者也。天子旁十二，諸侯旁八，大夫六，士四。元謂結披必當棺束於束繫紐。天子諸侯戴樞三束，大夫士二束。喪大記曰：君纁披六，大夫披四，前纁後元。士二披，用纁。人君禮文欲其數多，圍數兩旁言六耳。其實旁三。披方奇反。注同。

### 凡士之有守者令哭無去守

守官不可空也。守劉手又反。下皆同。

### 周禮夏官

司士 諸子

### 國有故則致士而頒其守

故非喪則兵災。

### 凡邦國三歲則稽士任而進退其爵祿

任其所掌治。

### 諸子掌國子之倅，掌其戒令，與其教治，辨其等，正其位。

一故書倅為牽。鄭司農云：卒讀如物有副倅之倅。國子，謂諸侯卿大夫士之子也。燕義曰：古者周天子之官有庶子官，與周官諸子職同文。元謂四民之業而士者亦世焉。國子者是公卿大夫士之副貳。戒令致於大子之事，教治修德學道也。位朝位。倅七丙反。治直

吏反。注同。大子音泰。下同。

國有大事則帥國子而致于大子，惟所用之。若有兵甲之事，則授之車甲，合其卒伍，置其有司，以軍灋治之。司馬弗正。

軍灋百人爲卒，五人爲伍，弗不也。國子屬大子。司馬雖有軍事，不賦之。卒子忽反，前後注及下皆同。正音征，下國正同。

凡國正弗及大祭祀，正六牲之體。

正謂牝載之。

凡樂事，正舞位，授舞器。

位，侑處。

大喪，正羣子之服位，會同賓客，作羣子從。

從於王。

凡國之政事，國子存遊倅，使之脩德，學道，春合諸學，秋合諸射，以攷其藝，而進退之。

一遊倅倅之未仕者，學大學也。射，射宮也。王制曰：春秋教以禮樂。

冬夏教以詩書。王大子、王子、羣后之太子、卿大夫、元士之適子。

周禮夏官

諸子司右 虎賁民

三

國之俊選，皆造焉。適子，歷反。

司右掌羣右之政令。

羣右，戎右、齊右、道右。齊，側皆反。

凡軍旅會同，合其車之卒伍，而比其乘，屬其右。

合比屬謂次第相安習也。車亦有卒伍。比，毗志反。注同。乘，繩證反。屬音燭。注同。

凡國之勇力之士，能用五兵者，屬焉，掌其政令。

勇力之士，屬焉者，選右當於中。司馬灋曰：弓矢圍，戈矛守，戈戟

助。凡五兵，長以衛，短以救，長。父音殊。

虎賁氏，掌先後王而趨以卒伍。

王出將，虎賁士居前，後雖羣行，亦有局分。賁音奔。劉方問反。先悉，應反。後戶豆反。又皆如字。將子，匠反。分

扶問反。

軍旅會同亦如之。舍則守王閑。

一舍王出所止宿處闕桂桓桂海種反

王在國則守王宮

為周衛

國有大故則守王門犬喪亦如之

非常之難要在門難乃

及葬從遣車而哭

遣車主之魂魄所馮依從才用反下并節服氏從車從戶車同馮皮水反

適四方使則從士大夫

虎士從使者使所使反注及下同

若道路不通有徵事則奉書以使于四方

不通逢兵寇若泥水奉書徵師役也春秋隱公七年冬戎伐凡伯于楚邱以歸

周禮夏官

虎賁氏 旅賁氏 節服氏

旅賁氏掌執戈盾夾王車而趨左八人右八人車止則持輪

夾王車者其下士也下士十有六人中士為之帥焉盾常進反又音九來古洽反劉

古協反後倣此

凡祭祀會同賓客則服而趨

服而趨夾王車趨也會同賓客王亦齊服服袞冕則此士之齊

服服元端

喪紀則袞葛執戈盾

葛葛經武士尙輕袞七雷反

軍旅則介而趨

介被甲介音被被皮偽反

節服氏掌祭祀朝覲袞冕六人維王之大常

服袞冕者從王服也維維之以縷王旌十二旒兩兩以縷綴連

旁三人持之禮天子旌曳地鄭司農云維持之

諸侯則四人其服亦如之郊祀喪窆二人執戈送逆尸從車

喪窆者亦從尸服也喪大喪也凡尸服卒者之上服從車從尸

車送逆之往來春秋傳曰晉祀夏郊董伯為尸

方相氏掌蒙熊皮黃金四目元衣朱裳執戈揚盾帥百隸而時難以索室毆疫

蒙冒也冒熊皮者以驚毆疫癘之鬼如今魃頭也時難四時作

方相氏以難卻凶惡也月令季冬命國難索廋也難乃多反注同毆起俱反魃音欺

大喪先匱

葬使之道先悉薦反匱音極道音導下同

及墓入壙以戈擊四隅毆方良

壙穿地中也方良罔兩也天子之梓柏黃腸為裏而表以石焉

周禮夏官

節服氏 方相氏 大僕

三

國語曰木石之怪夔罔兩夔苦鬼反又音臚方音罔良音兩注同又竝如字夔求龜反

大僕掌正王之服位出入王之大命

服王舉動所當衣也位立處也出大命王之教也入大命羣臣

所奏行

掌諸侯之復逆

鄭司農云復謂奏事也逆謂受下奏

王眡朝則前正位而退入亦如之

前正位而退道王王既立退居路門左待朝畢

建路鼓于大寢之門外而掌其政

大寢路寢也其門外則內朝之中如今宮殿端門下矣政鼓節

與早晏

以待達窳者與遽令聞鼓聲則速逆御僕與御庶子

鄭司農云窮謂窮寃失職則來擊此鼓以達於王若今時上變事擊鼓矣遠傳也若今時驛馬軍書當急聞者亦擊此鼓令聞此鼓聲則速逆御僕與御庶子也大僕主令此二官使速逆窮遠者元謂達窮者謂司寇之屬朝士掌以肺石達窮民聽其辭以告於王遠令郵驛上下程品御僕御庶子直事鼓所者大僕聞鼓聲則速逆此二官當受其事以聞

問肺考廢反遂令  
女呈反郵音尤

達其據反寃於元反上變時字反  
傳張韻反下文同急聞如字劉音

祭祀賓客喪紀正王之服位詔濩儀贊王牲事

詔告也牲事殺割七載之屬

王出入則自左馭而前驅

前驅如今道引也道而居左自馭不參乘辟王也亦有車右焉

乘繩證反據音  
趙到符亦反

周禮夏官

大僕

三

凡軍旅田役贊王鼓

王通鼓佐擊其餘面

救日月亦如之

日月食時春秋傳曰非日月之眚不鼓傳也  
景反

大喪始崩戒鼓傳達于四方窆亦如之

戒鼓擊鼓以警眾也故書戒為駭鄭司農云窆謂葬下棺也春秋傳所謂日中而崩禮記謂之封皆葬下棺也音相似窆讀如

慶封汜祭之汜變彼驗反注之封音同劉皆  
通鄧反崩補鄧反汜芳劍反

縣喪首服之灋于宮門

首服之灋謂免髮笄總廣狹長短之數縣其書于宮門示四方

縣音縣注同免  
音問髮莊瓜反

掌三公孤卿之弔勞

王使往。勞力報反。下命勞後。用勞皆同。

王燕飲則相其灋。

相左右。相息亮反。注及下并御僕職同。

王射則贊弓矢。

贊謂授之受之。

王眡燕朝則正位。掌擯相。

燕朝朝於路寢之庭。王圖宗人之嘉事則燕朝。

王不眡朝則辭于三公及孤卿。

辭謂以王不視朝之意告之。春秋傳曰。公有疾不視朝。

小臣掌王之小命。詔相王之小灋儀。

小命時事所勅問也。小灋儀趨行拱揖之容。

掌三公及孤卿之復逆。正王之燕服位。

周禮。夏官。

大僕。小臣。祭僕。

吳

謂燕居時也。玉藻曰。王卒食。元端而居。

王之燕出入則前驅。

燕出入。若今游於諸觀苑。觀古喫反。

大祭祀朝覲沃盥。王盥。盥管。

小祭祀賓客饗食。賓射。掌事如大僕之灋。

賓射與諸侯來朝者射。

掌士大夫之弔勞。

凡大事佐大僕。

祭僕。掌受命于王。以眡祭祀。而警戒祭祀有司。糾百官之戒具。

謂王有故不親祭也。祭祀有司有事於祭祀者。糾謂校錄所當

共之牲物。

既祭師羣有司而反命。以王命勞之。謀其不敬者。大喪復于小廟。

小廟高祖以下也。始祖曰大廟。春秋僖八年秋七月，禘于大廟。凡祭祀，王之所不與，則賜之禽。都家亦如之。

鄭司農云：王之所不與，謂非郊廟尊祭祀則王不與也。則賜之禽，公卿自祭其先祖，則賜之禽也。元謂王所不與，同姓有先王之廟。與音預。注同。

### 凡祭祀致福者展而受之。

臣有祭事，必致祭肉於君，所謂歸胙也。展，謂錄視其牲體數體數者。大牢則以牛左肩，牖折九箇，少牢則以羊左肩七箇，特牲則以豕左肩五箇。非存故反。牖，敬報反。字林：人于反。又羊吳反。折之古反。猶古賀反。注同。

### 御僕掌羣吏之逆及庶民之復與其弔勞。

羣吏，府史以下。

### 大祭祀相盥而登。

周禮夏官

祭僕 御僕 隸僕

五

相盥者，謂奉槃授巾與。登，謂為王登牲體於俎。特牲饋食禮，王人降盥，出舉入，乃七載。奉，芳勇反。為，子偽反。

### 大喪持翼。

翼，棺飾也。持之者，夾蜃車。蜃所甲反。蜃，辰軫反。劉薄忍反。

### 掌王之燕令。

燕居時之令。

### 以序守路鼓。

序，更。東音庚。

### 隸僕掌五寢之埽除糞洒之事。

一五寢，五廟之寢也。周天子七廟，惟祧無寢。詩云：寢廟繹繹相連。貌也。前曰廟，後曰寢。汜埽曰埽。埽，席前曰拊。洒，灑也。鄭司農云：洒當為灑。元謂論語曰：子夏之門人當洒埽。應對。埽，素報反。注：汜埽，埽同。陰如字。劉



祭祀修寢

貞庶反羹方問反酒所買反劉霜寄反脫敢彫反拚方問反本又作扮同灑所買反劉霜寄反

於廟祭寢或有事焉月令凡新物先薦寢廟

王行洗乘石

鄭司農云乘石王所登上車之石也詩云有扁斯石履之卑兮

謂上車所登之石 乘如字劉常丞反上時掌反下同扁遷典反

掌蹕宮中之事

宮中有事則蹕鄭司農云蹕謂止行者清道若今時微蹕

蹕音畢微字又

作蹕音

大喪復于小寢大寢

小寢高祖以下廟之寢也始祖曰大寢

弁師掌王之五冕皆元冕朱裏延紐

周禮

夏官

隸僕 弁師

早

冕服有六而言五冕者大裘之冕蓋無旒不聯數也延冕之覆在上是以名焉紐小鼻在武上弁所貫也今時冠卷當簪者廣

裘以冠繼其舊象與數所王反卷起全反簪莊林反裘音茂繼所買反劉霜寄反與音餘

五采纁十有二就皆五采玉十有二玉笄朱紘

纁雜文之名也合五采絲爲之繩垂於延之前后各十二所謂

遠延也就成也繩之每一而貫五采玉十二旒則十二玉也

每就閒蓋一寸朱紘以朱組爲紘也紘一條屬兩端於武纁不

言皆有不皆者此爲衮衣之冕十二旒則用玉二百八十八驚

衣之冕纁九旒用玉二百一十六毳衣之冕七旒用玉百六十

八希衣之冕五旒用玉百二十元衣之冕三旒用玉七十二

纁音

早司農云古藻字遂息反劉詩遂反旒音留下同屬首燭當必滅反希張里反劉霜履反

諸侯之纁旒九就璿玉三采其餘如王之事纁旒皆就玉璜玉笄

侯當爲公字之誤也。三采朱白蒼也。其餘謂延紐皆元覆朱裏與王同也。出此則異。纁旒皆就皆三采也。每纁九成則九旒也。公之冕用玉百六十二。玉璫塞耳者。故書璿作璠。鄭司農云。纁當爲藻。纁古字也。藻今字也。同物同音。璠惡玉名。後依法音入璠本。又作璠亡音反璠。此練反。璠音無。

### 王之皮弁會五采玉璫象邸玉笄

一故書會作膾。鄭司農云。讀如馬會之會。謂以五采束髮也。士喪禮曰。檜用組乃笄。檜讀與膾同。書之異耳。說曰。以組束髮。乃著笄。謂之檜。沛國人謂反紛爲膾。璫讀如璫。車轂之璫。元謂會讀如大會之會。會縫中也。璫讀如薄。借璫之璫。璫結也。皮弁之縫中。每貫結五采玉十二。以爲飾。謂之璫。詩云。會弁如星。又曰。其弁伊璫。是也。邸下。祗也。以象骨爲之。會劉古外反。注同。并檜。檜一字亦同。或一音戶。外反。璫音其本。亦作璫。邸了禮。

### 周禮夏官

弁師

望

反著張略反。紛本又作紛。音託。璫音其下。同。纁。扶用反。下同。薄。劉芳。惡反。抵。丁禮反。劉音帝。

### 王之弁經弁而加環經

弁經。王弔所服也。其弁如爵弁而素。所謂素冠也。而加環經。環經者。大如纒之麻經。纏而不糾。司服職曰。凡弔事。弁經服。

諸侯及孤。卿大夫之冕。韋弁。皮弁。弁經。各以其等爲之。而掌其禁令。

各以其等纁旒玉璫。如其命數也。冕。則侯伯纁七就。用玉九十八。子男纁五就。用玉五十。纁玉皆三采。孤纁四就。用玉三十二。三命之卿。纁三就。用玉十八。再命之大夫。藻再就。用玉八。藻玉皆朱綠。韋弁。皮弁。則侯伯璫飾七。子男璫飾五。玉亦三采。孤則璫飾四。三命之卿。璫飾三。再命之大夫。璫飾二。玉亦二采。弁經之弁。其辟積如冕。纁之就。然庶人弔者。素委貌。一命之大夫。冕

而無旄士變冕爲爵弁。其韋弁皮弁之會無結飾。弁經之弁不辟積。禁令者不得相僭踰也。玉藻曰。君未有命。不敢卽乘服。不言冠弁。冠弁兼於韋弁皮弁矣。不言服弁。服弁自天子以下。無節無等。辟積必亦反劉博歷反下同。

司甲

闕

司兵掌五兵五盾各辨其物與其等以待軍事。

五盾干櫓之屬其名未盡聞也。等謂功沽上下。鄭司農云。五兵者戈。及戟。酋矛。夷矛。櫓音骨。

及授兵。從司馬之灋以頒之。及其受兵。輸亦如之。及其用兵亦如之。

從司馬之灋。令師旅卒兩人數所用多少也。兵輸謂師還。有司還兵也。用兵謂出給衛守。卒字忽反。下同。

周禮

夏官

弁師 司甲 司兵 司戈盾

望

祭祀授舞者兵。

授以朱干玉戚之屬。

大喪廞五兵。

故書廞爲淫。鄭司農云。淫陳也。淫讀爲廞。元謂廞與也。興作明器之役。器五兵也。士喪禮下篇有甲冑干箠。廞虛金反。興虛應反。下同。箠字文作箠。側白反。劉舟反。

軍事。建車之五兵。會同亦如之。

車之五兵。鄭司農所云者是也。步卒之五兵。則無夷矛而有弓矢。

司戈盾。掌戈盾之物而頒之。

分與受用。

祭祀。授旅賁。及故士。戈盾。授舞者兵亦如之。

亦頌之也。故士王族故士也。與旅賁當事。則衛王也。受如杖長尋有四尺。

軍旅會同。授貳車。戈盾建乘車之戈盾。授旅賁及虎士戈盾。

乘車。王所乘車也。軍旅則革路。會同則金路。乘纒讀反。後乘馬陪乘。參乘皆準。此注王所乘。依字讀。

及舍。設藩盾。行則斂之。

舍止也。藩。盾。盾可以藩衛者。如今之扶蘇與餘。與音餘。

司弓矢。掌六弓四弩八矢之灋。辨其名物。而掌其守藏。與其出入。

灋。曲直長短之數。守劉手又反。亦如字。下攻守同。藏才浪反。沈如掌。

中春獻弓弩。中秋獻矢箛。

弓弩成於和。矢箛成於堅。箛。盛。矢器也。以獸皮為之。中音仲。下同。箛音服。盛音成。

魚服盛音成。

周禮。夏官。

司戈盾。司弓矢。

聖

及其頌之。王弓。弧弓。以授射甲革。樞質者。夾弓。庾弓。以授射豸。侯鳥獸者。唐弓。大弓。以授學射者。使者。勞者。

王。弧。夾。庾。唐。大。六者。弓異體之名也。往體寡來體多。曰王。弧。往體多。來體寡。曰夾。庾。往體來體若一。曰唐。大。甲。革。革。甲也。春。秋。

傳。曰。蹲。甲。而。射。之。質。正。也。樹。樞。以。為。射。正。射。甲。與。樞。試。弓。習。武。

也。豸。侯。五。十。步。及。射。鳥。獸。皆。近。射。也。近。射。用。弱。弓。則。射。大。侯。者。

用。王。弧。射。參。侯。者。用。唐。大。矣。學。射。者。弓。用。中。後。習。強。弱。則。易。也。

使。者。勞。者。弓。亦。用。中。遠。近。可。也。勞。者。勤。勞。王。事。若。晉。文。侯。文。公。

受。王。弓。矢。之。賜。者。故。書。樞。為。鞞。鄭。司。農。云。樞。字。或。作。鞞。非。是。也。

圉。師。職。曰。射。則。充。樞。質。又。此。司。弓。矢。職。曰。澤。其。射。樞。質。之。弓。矢。

言。射。樞。質。自。有。弓。謂。王。弧。弓。也。以。此。觀。之。言。鞞。質。者。非。射。甲。食。亦。反。下。以。意。

求。之。樞。張。林。反。夾。古。洽。反。劉。古。協。反。庾。師。講。相。傳。讀。庚。本。或。作。庾。軒。音。屋。又。音。馮。使。者。所。更。反。注。同。躋。音。存。劉。才。官。反。參。桑。感。反。易。以。致。反。鞞。戶。根。反。音。魂。或。胡。本。反。李。音。良。一。音。居。音。反。

又音

其矢箛皆從其弓。

從弓數也。每弓者一箛百矢。

凡弩夾庾利攻守。唐大利車戰野戰。

攻城壘者與。其自守者相迫近。弱弩發疾也。車戰野戰進退非強則不及。弩無王弧。王弧恒服弦。往體少者使矢不疾。攻如字劉音夏強與

其良反

凡矢枉矢絜矢利火射。用諸守城車戰殺矢錄矢。用諸近射田獵。

矰矢弗矢。用諸弋射。恆矢庾矢。用諸散射。

此八矢者。弓弩各有四焉。枉矢殺矢。矰矢恒矢。弓所用也。絜矢

錄矢。弗矢庾矢。弩所用也。枉矢者。取名變星。飛行有光。今之飛

矛是也。或謂之兵矢。絜矢象焉。二者皆可結水。以射敵。守城車

周禮夏官

司弓矢

器

戰前於重。後微。輕行疾也。殺矢。言中則死。錄矢。象焉。錄之言候

也。二者皆可以司候。射敵之近者及禽獸。前尤重。中深而不可

遠也。結繳於矢。謂之矰。矰高也。弗矢。象焉。弗之言刺也。二者皆

可以弋飛鳥。刺羅之也。前於重。又微。輕行不低也。詩云。弋鳧與

鴈。恒矢。安居之矢也。庾矢。象焉。二者皆可以散射也。謂禮射及

習射也。前後訂。其行平也。凡矢之制。枉矢之屬五分。二在前。三

在後。殺矢之屬參分。一在前。二在後。矰矢之屬七分。三在前。四

在後。恒矢之屬軒輶中。所謂志也。鄭司農云。庾矢。讀為人罷。短

之罷。元謂庾。讀如痺病之痺。庾之言倫比。莊將往反矰劉苦結反。又音結

音傑。弩矢矰音追。弗劉扶弗反。李一音字忽反。一音教。或音弗。弩矢。庾方也。錄音候。劉

注同。中丁仲反。下中深射。中同。繳章葉反。刺字物反。訂李音亭。呂沈同。劉當定反。朝音周。一音反。比毗志反。

天子之弓合九而成規。諸侯合七而成規。大夫合五而成規。士合

三而成規句者謂之弊弓。

一體往來之衰也往體寡來體多則合多往體多來體寡則合少而圍弊猶惡也句者惡則直者善矣。弊雖世反徐扶滅反衰初危反劇音圓

凡祭祀共射牲之弓矢。

射牲不親殺也殺牲非尊者所親惟射為可。國語曰：禘郊之事天子必自射其牲。

澤其射楛質之弓矢。

鄭司農云：澤澤宮也。所以習射選士之處也。射義曰：天子將祭必先習射於澤。澤者所以擇士也已。射於澤而后射於射宮射中者得與於祭。與音預

大射燕射共弓矢如數并夾。

如數如當射者之數也。每人一弓乘矢并夾。矢籥也。夾音甲注同乘繩證反四矢曰

周禮 夏官

司弓矢 繕人

豎

大喪共明弓矢。

弓矢明器之用器也。士喪禮下篇曰：用器弓矢。

凡師役會同頒弓弩各以其物從授兵甲之儀。

物弓弩矢箠之屬。從才用反

田弋充籠箠矢共矰矢。

籠竹箠也。矰矢不在箠者為其相繞亂將用乃共之。籠籠東反為于僞反

凡亡矢者弗用則更。

更償也用而棄之則不償。更音庚注同

繕人掌王之用弓弩矢箠矰弋挾拾。

鄭司農云：挾者所以縱弦也。拾者所以引弦也。詩云：挾拾既次。詩家說或謂挾謂引弦彊也。拾謂鞞扞也。元謂挾挾矢時所以

持苙飾也著右手巨指士喪禮曰扶用正王棘若梓棘則天子用象骨與鞞扞著左臂裏以韋爲之按古穴反注同楛若侯反鞞古侯反劉云鞞字之異著扞胡旦反鞞字協反一劉音譯又音亦一音徒洛反鞞音餘

### 掌詔王射

告王當射之節

### 贊王弓矢之事

授之受之

### 凡乘車充其籠箠載其弓弩

充籠箠者以矢

### 既射則斂之

斂藏之也詩云彤弓召公受言藏之昭昌避反

### 無會計

### 周禮

夏官

繕人 橐人

吳

亡敗多少不計會計外反下大會同後會計之類放此

### 橐人掌受財于職金以齋其工

齋其工者給市財用之直齋音咨後音同

### 弓六物爲三等弩四物亦如之

三等者上中下人各有所宜弓人職曰弓長六尺六寸謂之上制上士服之弓長六尺三寸謂之中制中士服之弓長六尺謂

之下制下士服之弩及矢箠長短之制未聞

### 矢八物皆三等箠亦如之春獻素秋獻成

矢箠春作秋成

### 書其等以饗工

鄭司農云書工攻拙高下之等以制其饗食也元謂饗酒肴勞之也上工作上等其饗厚下工作下等其饗薄勞力報厚

乘其事試其弓弩以下上其食而誅賞。

鄭司農云乘計也計其事之成功也故書試為考元謂考之而善則上其食尤善又賞之否者反此試音按出注上時掌反注同

乃入功于司弓矢及繕人。

功成。

凡齋財與其出入皆在橐人以待會而攷之亡者闕之。

皆在橐人者所齋工之財及弓弩矢箠出入其簿書橐人藏之闕猶除也弓弩矢箠棄亡者除之計今見在者見實闕反。

戎右掌戎車之兵革使。

使謂王使以兵有所誅斬也春秋傳曰戰於穀晉梁宏御戎萊駒為右戰之明日襄公縛秦囚使萊駒以戈斬之使色更反注使謂同

詔贊王鼓。

周禮夏官

橐人 戎右

一

既告王當鼓之節又助擊之。

傳王命于陳中。

為王大言之也。陳直宣反下注傳敦同陳直慎反劉直吝反為字偽反下為眾同

會同充革車。

會同王雖乘金路猶以革路從行也充之者謂居左也曲禮曰

乘君之乘車不敢曠左。

盟則以玉敦辟盟遂役之。

鄭司農云敦器名也辟灑也元謂將歃血者先執其器為眾陳其載辭使心皆開辟也役之者傳敦血授當歃者敦音對劉又都愛反說都迴反注同

歃所洽反徐所輒反

贊牛耳桃茆。

鄭司農云贊牛耳春秋傳所謂執牛耳者故書茆為滅杜子春



云滅當爲厲元謂尸盟者割牛耳取血助爲之及血在敦中以桃茆拂之又助之也耳者盛以珠盤尸盟者執之桃鬼所畏也茆荇帚所以掃不祥胡音列流音例盛音或荇音條音之受反

齊右掌祭祀會同賓客前齊車王乘則持馬行則陪乘

齊車金路王自整齊之車也前之者已駕王未乘之時陪乘參乘謂車右也齊右與齊僕同車而有祭祀之事則兼玉路之右然則戎右兼田右與齊側皆反下齊車齊微皆音同乘劉繩證反流音繩與音餘

凡有牲事則前馬

王見牲則拱而式居馬前卻行備驚奔也曲禮曰國君下宗廟

式齊牛拱居勇反卻音却

道右掌前道車王出八則持馬陪乘如齊車之儀

道車象路也王行道德之車

周禮夏官

戎右 齊右 道右 大馭

吳

自車上諭命于從車

自由從才同反下及注同馭夫職放此

詔王之車儀

顧式之屬

王式則下前馬王下則以蓋從

以蓋從表尊

大馭掌馭玉路以祀及犯軼王自左馭馭下視登受轡犯軼遂驅之

行山曰軼犯之者封土爲山象以菩芻棘柏爲神主既祭之以車轢之而去喻無險難也春秋傳曰跋涉山川自由也王由左馭禁制馬使不行也故書軼作罰杜子春云罰當爲軼軼讀爲別異之別謂祖道轢軼磔犬也詩云載謀載惟取蕭祭脂取軼

以軼。詩家說曰：將出祖道，犯軼之祭也。聘禮曰：乃舍軼，飲酒于其側。禮家說亦謂道祭。軼，音未反。注說：洪同視之。又反。善劉音負。音倍，芻初俱反。軼音歷，難乃旦反。別彼刻反。下同。礫，陟格反。瓶，丁兮反。

及祭酌僕，僕左執轡，右祭兩軼，祭軼乃飲。

故書軼為軼，軼為範，杜子春云：文當如此，左不當重，重非是。書亦或如子春言。又云：軼當作軼，軼謂兩轡也。其或言軼亦非是。又云：軼當為軼，軼謂車軾前也。或讀軼為轡，筭之筭。軼音紙，軼音犯。注軼同軼，劉音。

雞車直龍反，轉音前。軼媿美反，又音犯。

凡馭路行以肆夏趨以采薺。

凡馭路謂五路也。肆夏采薺樂章也。行謂大寢至路門趨謂路門至應門。薺才私反。

凡馭路儀以鸞和為節。

周禮

夏音

大馭 戎僕 齊僕

吳

舒疾之灋也。鸞在衡，和在軾，皆以金為鈴。鈴音零。

戎僕掌馭戎車。

戎車革路也。師出，王乘以自將。將子匠反。

掌王倅車之政，正其服。

倅副也。服謂眾乘戎車者之衣服。倅七內反。劉倉變反。

犯軼如玉路之儀。凡巡守及兵車之會亦如之。

如在軍。

掌凡戎車之儀。

凡戎車衆之兵車也。書序曰：武王戎車三百兩。

齊僕掌馭金路以賓。

以待賓客。賓如字，劉方刃反。

朝覲宗遇饗食，皆乘金路。其灋儀各以其等。為車送逆之節。

節謂王乘車迎賓客及送相去遠近之數。上公九十步。侯伯七十步。子男五十步。司儀職曰：車逆拜辱，又曰及出車送。乘車如字。

道僕。掌馭象路以朝夕燕出入。其灋儀如齊車。

朝夕。朝朝莫夕。朝直遙反。注朝夕同朝朝。上如字。下直遙反。莫音暮。

掌貳車之政令。

貳亦副。

田僕。掌馭田路以田以鄙。

田路。木路也。田。田獵也。鄙。循行縣鄙。行下孟房。

掌佐車之政。

佐亦副。

設驅途之車。

驅。驅禽使前趨。獲逆。衙還之使不出圍。驅如字。又起遇反。後同。衙。本又作御。同。五。姝反。

周禮。夏官

令獲者植旌。

以告獲也。植。樹也。植。直吏反。又。時力反。樹。如字。一音豎。

及獻。比禽。

田弊。獲者各獻其禽。比。種物相從。次。數之。比。毗志反。次也。注同。禮。章勇反。下同。數。所主反。

凡田。王提馬而走。諸侯。晉。大夫。馳。

提。猶舉也。晉。猶抑也。使人扣而舉之。抑之。皆止奔也。馳。放不扣。扣音口。下同。

馭夫。掌馭貳車從車使車。

貳車。象路之副也。從車。戎路田路之副也。使車。驅逆之車。

分公馬而駕治之。

乘。調六種之馬。

校人。掌王馬之政。

政謂差擇養乘之數也。月令曰：班馬政。

辨六馬之屬種馬一物。戎馬一物。齊馬一物。道馬一物。田馬一物。駑馬一物。

種謂上善似母者以次差之。玉路駕種馬。戎路駕戎馬。金路駕齊馬。象路駕道馬。田路駕田馬。駑馬給宮中之役。

凡頒良馬而養乘之。乘馬一師。四圍三乘為阜。阜一趣馬。三阜為轂。轂一馭夫。六轂為廐。廐一僕夫。六廐成校。校有左右。駑馬三良馬之數。麗馬一圍。八麗一師。八師一趣馬。八趣馬一馭夫。

良善也。善馬。五路之馬。鄭司農云：四匹為乘。養馬為圍。故春秋傳曰：馬有圍。牛有牧。元謂二耦為乘。師趣馬馭夫僕夫帥之名也。趣馬下士。馭夫中士。則僕夫上士也。自乘至廐其數二百一十六匹。易乾為馬。此應乾之策也。至校變為言成者。明六馬各

周禮

夏官

校人

至

一廐而王馬小備也。校有左右。則良馬一種者。四百三十二匹。五種。合二千一百六十四。駑馬三之。則為千二百九十六匹。五良一駑。凡三千四百五十六匹。然後王馬大備。詩云：駟牡三千。此謂王馬之大數與麗耦也。駑馬自圍至馭夫。凡馬千二十四匹。與三良馬之數不相應。八皆宜為六字之誤也。師十二匹。趣馬七十二匹。則馭夫四百三十二匹矣。然後而三之。既三之。無僕夫者。不駕於五路。卑之也。乘繩證反。注及下注乘匹同。圍魚呂反。阜才早反。九又反。麗依注八皆音六。應應對之。應策初革反。趣會走反。劉沈清須反。下同。駑音計。本又作駑。駑音來。牝頻忍反。劉扶忍反。駑音餘。下禮與同。

天子十有二閑。馬六種。邦國六閑。馬四種。家四閑。馬二種。

降殺之差。每廐為一閑。諸侯有齊馬。道馬。田馬。大夫有田馬。各一閑。其駑馬則皆分為三馬。殺所界反。

凡馬特居四之一。

欲其乘之性相似也。物同氣則心一。鄭司農云：四之一者，三牝一牡。

### 春祭馬祖執駒。

馬祖天駟也。孝經說曰：房為龍馬。鄭司農云：執駒，無令近母。猶攻駒也。二歲曰駒，三歲曰駝。元謂執猶拘也。春通淫之時，駒弱血氣未定，為其乘匹傷之。會力垂反，下令皆同。近附近之，近駝徐音聲，劉音邁，李湯義反。沈徒刀反，為于偽反，下為路謠同。

### 夏祭先牧，頒馬攻特。

先牧始養馬者，其人未聞。夏通淫之後，攻其特，為其蹄齧不可乘用。鄭司農云：攻特謂驟之。駘大計反，又音噴，後同。驟音繪，又音繩。

### 秋祭馬社，臧僕。

馬社始乘馬者，世本作曰。相土作乘馬。鄭司農云：臧僕謂簡練馭者，令皆善也。元謂僕馭五路之僕。臧子郎反，相息亮反。

### 周禮

夏官

校人

五

### 冬祭馬步，獻馬講馭夫。

馬步，神為災害馬者。獻馬，見成馬於王也。馭夫，馭貳車從車使車者，講猶簡習。見賁通反，下同。馭才用反。

### 凡大祭祀，朝覲會同，毛馬而頒之。

毛馬，齊其色也。頒，授當乘者。毛知字，劉莫報反。

### 飾幣馬，執扑而從之。

鄭司農云：校人主飾之也。幣馬，以馬遣人，當幣處者也。聘禮曰：馬則北面，奠幣于其前，士喪禮下篇曰：薦馬，纓三就，入門北面交轡，圉人夾牽之。馭者執策，立于馬後。扑音卜，反。劉方邁反，遺惟李反。

### 凡賓客，受其幣馬。

賓客之幣馬，來朝聘而享王者。

### 大喪，飾遣車之馬，及葬，狸之。

狸，心一，禮可，費在四，六，一，二，三，四，五，六，七，八，九，十，十一，十二，十三，十四，十五，十六，十七，十八，十九，二十，二十一，二十二，二十三，二十四，二十五，二十六，二十七，二十八，二十九，三十，三十一，三十二，三十三，三十四，三十五，三十六，三十七，三十八，三十九，四十，四十一，四十二，四十三，四十四，四十五，四十六，四十七，四十八，四十九，五十，五十一，五十二，五十三，五十四，五十五，五十六，五十七，五十八，五十九，六十，六十一，六十二，六十三，六十四，六十五，六十六，六十七，六十八，六十九，七十，七十一，七十二，七十三，七十四，七十五，七十六，七十七，七十八，七十九，八十，八十一，八十二，八十三，八十四，八十五，八十六，八十七，八十八，八十九，九十，九十一，九十二，九十三，九十四，九十五，九十六，九十七，九十八，九十九，一百。

言狸之則是馬塗車之芻靈狸一皆反本亦作狸

田獵則帥驅逆之車

帥猶將也

凡將事于四海山川則飾黃駒

四海猶四方也王巡守過大山川則有殺駒以祈沈禮與玉人

職有宗祝以黃金勺前馬之禮沈直金反劉直蔭反

凡國之使者共其幣馬

使者所用私覲使所更反注同

凡軍事物馬而頒之

物馬齊其力

等馭夫之祿

馭夫於趣馬僕夫為中舉中見上下

周禮夏官校人趣馬巫馬

宮中之稍食

師圍府史以下也鄭司農云稍食曰廩

趣馬掌贊正良馬而齊其飲食簡其六節

贊佐也佐正者謂校人臧僕講馭夫之時簡差也節猶量也差

擇王馬以為六等

掌駕說之頒

用馬之第次說始鏡反

辨四時之居治以聽馭夫

居謂牧序所處治謂執駒攻特之屬治直更反注同序音雅後同

巫馬掌養疾馬而乘治之相醫而藥攻馬疾受財于校人

乘謂驅步以發其疾知所疾處乃治之相助也相息亮反注同

馬死則使其賈粥之入其布于校人

布泉也。鄭司農云：賈謂其屬官小吏賈二人，粥賣也。賈音殊，注同。又音古，粥音育。

牧師掌牧地，皆有厲禁而頒之。

孟春焚牧。

焚牧地，以除陳生新草。

中春通淫。

中春陰陽交，萬物生之時，可以合馬之牝牡也。月令：季春乃合累牛騰馬，遊牝于牧。秦時書也。秦地寒涼，萬物後動。屯音使，注同。累力追反。劉音類。

掌其政令。凡田事贊焚萊。

焚萊者，山澤之虞。  
庾人掌十有二閑之政教，以阜馬。佚特，教跳。攻駒，及祭馬祖。祭閑之先牧，及執駒，散馬耳。圉馬。

周禮

夏官

牧師 庾人 圉師

畜

九者皆有政教焉。阜，盛壯也。詩云：四牡孔阜。杜子春云：佚當為逸。鄭司農云：馬三歲曰跳，二歲曰駒。散，讀為中散大夫之散。謂聒馬耳。母令善驚也。元謂逸者用之，不使甚勞。安其血氣也。教跳，始乘習之也。攻駒，制其蹄齧者。閑之先牧，先牧制閑者。散馬耳，以竹括押其耳，頭動搖則括中物，後遂申習，不復驚。佚音逸，散素但反。注同。臨古活反。毋音無，各力呈反。下使合。同押音甲，申物字仲反。復扶反。

正校人員選。

校人，謂師圉也。正員，選者選擇可備員者。平之。

馬八尺以上為龍，七尺以上為騶，六尺以上為馬。

大小異名。爾雅曰：騶，牝牡也。元駒，裏驂。鄭司農說以月令曰：駕

蒼龍。上時掌反。下同。軒茂后反。驥力知反。牡騶絕句。牝元。頻忍反。絕句。裏奴了反。劉音繞。郭璞音同。劉義舉則。

國師掌教圉人養馬。春除瘴，夏廋，廋始牧。夏序馬，冬獻馬。射則充椹。

質茨牆則翦闔。

蓐馬茲也。馬既出而除之，新覺焉。神之也。春秋傳曰：凡馬，日中而出，日中而入，故書。序為訝。鄭司農云：當為序。元謂序，無也。無所以庇馬涼也。充猶居也。茨，蓋也。闔，苦也。樞，質所射者。習射處。尋音屨，茨在私反。闔戶，臘反。訝五嫁反。麻亡甫反。庇必二反。音視。苦傷占反。鉢方符反。射食亦反。

圉人掌養馬芻牧之事，以役圉師。

役者，圉師使令焉。

凡賓客喪紀，牽馬而入陳。

賓客之馬，王所以賜之者。詩云：雖無予之路車乘馬，喪紀之馬，啓後所薦馬。

廡馬亦如之。

周禮 夏官

圉師 圉人 職方氏

畫

廡馬，造車之馬。人捧之，亦牽而入陳。

揜，衆家並扶恭反。

職方氏掌天下之圖，以掌天下之地，辨其邦國都鄙四夷八蠻七閩九貉五戎六狄之人民，與其財用九穀六畜之數，要周知其利害。

天下之圖，如今司空輿地圖也。鄭司農云：東方曰夷，南方曰蠻，西方曰戎，北方曰貉狄。元謂闔蠻之別也。國語曰：闔芊蠻矣。四八七九五六，周之所服國數也。財用，泉穀貨賄也。利，金錫竹箭之屬。害，神姦鑄鼎所象百物也。爾雅曰：九夷八蠻，六戎五狄，謂之四海。闔亡巾反。音文。又亡于反。漢書音義：服虔音近蠻，應邵音近文。鄭氏音是貉，孟自反。音詩。又反。下音同。芊，毛氏反。劉音如羊。鳴，近米。李云：今周禮本或無此字。國語，有。

乃辨九州之國，使同貫利。

貫事也。



東南曰揚州其山鎮曰會稽其澤藪曰具區其川三江其浸五湖其利金錫竹箭其民二男五女其畜宜鳥獸其穀宜稻

鎮名山安地德者也會稽在山陰大澤曰藪具區五湖在吳南浸可以為陂灌漑者錫蠟也箭篠也鳥獸孔雀鸞鳩鵠犀象之

屬故書箭為晉杜子春日晉當為箭書亦或為箭會古外反藪素口反區起俱反浸子

鵠反木又作寔暖彼宜反滙古參反鑑音騰篠考反滙音交謂音精

正南曰荊州其山鎮曰衡山其澤藪曰雲薈其川江漢其浸潁湛其利丹銀齒革其民一男二女其畜宜鳥獸其穀宜稻

衡山在湖南雲薈在華容潁出陽城宜屬豫州在此非也湛耒

聞齒象齒也革犀兕革也杜子春云湛讀當為人名湛之湛湛

或為淮豐亡貢反劉亡風反李一音亡雄反湛直減反劉又音沈李唐感反

河南曰豫州其山鎮曰華山其澤藪曰圃田其川滎雒其浸波澨

周禮夏官

職方氏

美

其利林漆絲枲其民二男三女其畜宜六擾其穀宜五種

華山在華陰圃田在中牟滎充水也出東垣入于河洑為滎滎

在滎陽波讀為播禹貢曰滎播既都春秋傳曰楚子除道梁澨

營軍臨隨則澨宜屬荊州在此非也林竹木也六擾馬牛羊豕

大雞五種黍稷菽麥稻華如字劉胡化反圃布古反滎戶屬反澨音詳左傳音同李在加反字林同劉昨雖反云與音大不同故今從高貴仲牟又無不反澨音逸播音波下同都張魚反木或作豬

公羊惠似反擾而少反徐劉音饒中加不字莫侯反李中音

正東曰青州其山鎮曰沂山其澤藪曰望諸其川淮泗其浸沂沭其利蒲魚其民二男二女其畜宜雞狗其穀宜稻麥

沂山沂水所出也在蓋望諸明都也在睢陽沭出東莞一男二

女數等似誤也蓋當與兗州同一男三女鄭司農云淮或為睢

沫或為沭沂魚祈反泗音四沭音述沭音餘成反明都禹貢作孟諸今依音讀唯音綴楚音管劉音漭沭音殊

河東曰兗州其山鎮曰岱山其澤藪曰大野其川河沂其浸盧維

其利蒲魚其民二男三女其畜宜六擾其穀宜四種

岱山在博犬野在鉅野盧維當為雷雍字之誤也禹貢曰雷夏既澤雍沮會同雷夏在城陽四種黍稷稻麥野如室劉音與沛子禮反廬昌雷難於恭反銀音巨

湖七餘反

正西曰雍州其山鎮曰嶽山其澤藪曰苾蒲其川涇汭其浸渭洛其利玉石其民三男二女其畜宜牛馬其穀宜黍稷

嶽吳嶽也及弦蒲在汧涇出涇陽汭在邠地詩大雅公劉曰汭沉之卽浴出懷德鄭司農云弦或為汧蒲或為浦雍於用反下注州名同浦如鉞反李

又而類反汧徐曰千反劉音見反本上音空定反爾彼貧反坻弓六反詩作漚

東北曰幽州其山鎮曰醫無閭其澤藪曰豨養其川河泚其浸蕃時其利魚鹽其民一男三女其畜宜四擾其穀宜三種

醫無閭在遼東豨養在長廣蕃出萊蕪時出般陽四擾馬牛羊

周禮夏官

職方氏

五

豕三種黍稷稻杜子春讀豨為豨豨音分豨少干反

河內曰冀州其山鎮曰霍山其澤藪曰楊紆其川滹其浸汾潞其利松柏其民五男三女其畜宜牛羊其穀宜黍稷

霍山在箕楊紆所在未聞潭出長子汾出汾陽潞出歸德紆於子反潞扶反長子縣名屬上黨

支反潞音路長子丁丈反長子縣名屬上黨

正北曰并州其山鎮曰恆山其澤藪曰昭餘祁其川虜池嘔夷其浸涑易其利布帛其民二男三女其畜宜五擾其穀宜五種

恆山在上曲陽昭餘祁在鄆虜池出鹵城嘔夷祁夷與出平舒涑出廣昌易出故安五擾馬牛羊豕五種黍稷菽麥稻也凡

九州及山鎮澤藪言曰者以其非一曰其大者耳此州界揚荆一豫兗雍冀與禹貢略同青州則徐州地也幽并則青冀之北也

無徐梁虛喚胡反季呼哥反又香刑反池徒多反季如室囑寫侯反一音驅鄆徐於據反縣名屬太原劉烏古反虞音營

乃辨九服之邦國方千里曰王畿其外方五百里曰侯服又其外方五百里曰甸服又其外方五百里曰男服又其外方五百里曰采服又其外方五百里曰衛服又其外方五百里曰蠻服又其外方五百里曰夷服又其外方五百里曰鎮服又其外方五百里曰藩服。

服服事天子也詩云侯服于周

凡邦國千里封公以方五百里則四公方四百里則六侯方三百里則七伯方二百里則二十五子方百里則百男以周知天下

以此率徧知四海九州邦國多少之數也方千里者爲方百里者百以方三百里之積以九約之得十一有奇云七伯者字之誤也周九州之界方七千里七七四十九方千里者四十九其

一爲畿內餘四十八八州各有方千里者六周公變殷湯之制

周禮

夏官

職方氏

矣

雖小國地皆方百里是每事言則者設灋也設灋者以待有功而大其封一州之中以其千里封公則可四又以其千里封侯則可六又以其千里封伯則可十一又以其千里封子則可二十五又以其千里封男則可百公侯伯子男亦不是過也州二里百一十國以男備其數焉其餘以爲附庸四海之封黜陟之功亦如之雖有大國爵稱子而已鄭司農云此制亦見大司徒職曰諸公之地方五百里諸侯之地方四百里諸伯之地方三百里諸子之地方二百里諸男之地方百里

卷音律各百類偏音通前紀宜反見齊通反

凡邦國小大相維

王設其牧

大國比小國小國事大國各有屬相維聯也

比鄰志反下文此小國并注同

選諸侯之賢者爲牧使牧理之

制其職各以其所能。

牧監參伍之屬用能所任秩次。

制其貢各以其所有。

國之地物所有。

王將巡守則戒于四方曰各脩平乃守。致乃職事無敢不敬。戒國

有大刑。

乃猶女也。守謂國竟之內職事所當共具。女音汝。致音境。共音恭。又九用反。

及王之所行先道師其屬而巡戒令。

先道先由王所從道居前。行其前日所戒之令。

王殷國亦如之。

殷猶眾也。十二歲王若不巡守則六服盡朝。謂之殷國。其戒四方諸侯與巡守同。

朝音。適反。

周禮

夏官

職方氏

土方氏

懷方氏

堯

土方氏掌土圭之法以致日景。

致日景者夏至景尺有五寸。冬至景丈二尺。其間則日有長短。

景如字。

以土地相宅而建國都鄙。

土地猶度地知東西南北之深而相其可居者宅居也。相息亮反。注同。度大。

洛反深。尸鴉反。

以辨土宜土化之瀆而授任地者。

土宜謂九穀稗穉所宜也。土化地之輕重糞種所宜用也。任地

者載師之屬。楡張力反。穉直吏反。穉章勇反。

王巡守則樹王舍。

爲之藩羅。

懷方氏掌來遠方之民。致方貢。致遠物。而送逆之。達之以節。

遠方之民四夷之民也諭德延譽以來之遠物九州之外無貢  
灑而至者達民以旌節達貢物以重節

治其委積館舍飲食

續食其往來

續食音嗣

合方氏掌達天下之道路

津梁相秦不得陷絕

秦采豆反本或作秦

通其財利

茂遷其有無

同其數器

權衡不得有輕重

壹其度量

尺丈釜鍾不得有大小

周禮

夏官

懷方氏

合方氏

訓方氏

李

除其怨惡

怨惡邦國相侵虐

同其好善

所好所善謂風俗所高尚

好呼報反注及下同高如字劉古到反

訓方氏掌道四方之政事與其上下之志

道猶言也為王說之四方諸侯也上下君臣也

為于倫反下同

誦四方之傳道

傳道世世所傳說往古之事也為王誦之若今論聖德堯舜之道矣故書傳為傳杜子春云傳當作傳書亦或為傳

傳直專反注同

正歲則布而訓四方

布告以教天下使知世所善惡

而觀新物

四時於新物出則觀之以知民志所好惡志淫行辟則當以政教化正之。慕鳥路反行下孟反喙匹亦反。

形方氏掌制邦國之地域而正其封疆無有華離之地。

杜子春云離當為雜書亦或為雜元謂華讀為瓜哨之瓜正之使不瓜邪離絕。彙依注音瓜苦匪反哨劉半售反沈且笑反邪似唼反。

使小國事大國大國比小國。

比猶親也易比象曰先王以建萬國親諸侯。

山師掌山林之名辨其物與其利害而頒之于邦國使致其珍異之物。

山林之名與物若沓啖絲泉嶧陽孤桐矣利其中人用者害毒物及螫噬之蟲獸。獸古犬反劉孤若反又孤音反噉音亦音蓋音釋劉呼洛反噉音逝。

川師掌川澤之名辨其物與其利害而頒之于邦國使致其珍異

周禮夏官形方氏 山師 川師 遯師 匡人 擇人 土

之物。

川澤之名與物若泗濱浮磬淮夷蠙珠暨魚澤之萑蒲。蒲薄田反劉扶忍反。

沈音噴暨其器反沈其氣反藉音丸。

遯師掌四方之地名辨其邱陵墳衍遂隰之名。

地名謂東原大陸之屬。墳扶云反。

物之可以封邑者。

物之謂相其土地可以居民立邑。相息亮反。

匡人掌達灋則匡邦國而觀其慝使無敢反側以聽王命。

灋則八灋八則也邦國之官府都鄙亦用焉慝茲偽之惡也反側猶背達灋度也書曰無反無側王道正直。靡他得反。

擇人掌誦王志道國之政事以巡天下之邦國而語之。

道猶言也以王之志與政事論說諸侯使不迷惑。語魚據反說如字劉尺鏡反。

使萬民和說而正王面。

面猶鄉也。使民之心曉而正鄉王。

說音悅鄉許亮反下同。

都司馬掌都之士庶子及其眾庶車馬兵甲之戒令。

庶子卿大夫士之子。車馬兵甲備軍發卒。

以國灋掌其政學。

政謂賦稅也。學脩德學道。

政音征本亦作政善下同。

以聽國司馬。

聽者受行其所徵爲也。國司馬大司馬之屬皆是。

家司馬亦如之。

大夫家臣爲司馬者。春秋傳曰：叔孫氏之司馬馮戾。

馮子公反暴力計反。

周禮

夏官

擇人 都司馬 家司馬

奎

大夫亦出爲國治各其制國之政凡之官無類長

與行流衣戒之

羸者受行其和對也 國司馬大司馬之屬

與國石馬

與國石馬 與國石馬

與國石馬

與國石馬 大夫士之示車馬兵甲備軍發卒

與國石馬 大司馬掌都之士庶子及其眾庶車馬兵甲之戒令

與國石馬 國司馬大司馬之屬

與國石馬 五玉



U6662

